

„თეოკრატიული სახელმწიფოს ჩამოყალიბებისათვის საჭიროა სახელმწიფოს სიძლიერის გაზრდა და მისი ავტორიტეტის გაღვივება... თეოკრატიული სახელმწიფო არის ის, სადა ღმერთი დადგას... თეოკრატიული სახელმწიფო არის ის, სადა ღმერთი დადგას...“

სობის მოამბე

№17 (7076) 26 აგვისტო,
პარასკევი, 2016 წელი.
ზასი 0,70 თეთრი.

სობის მუნიციპალიტეტის განვითარება

28 აგვისტო მარიამობაა,
ყოვლადწმიდა ღვთისმშობლის
მიძინების დღესასწაული.
გილოცავთ!



სობის მუნიციპალიტეტში სახელმწიფო და ადგილობრივი ბიუჯეტით დაფინანსებული ინფრასტრუქტურული პროექტები აქტიურად ხორციელდება, - განუცხადა Guardian.ge-ს სობის მუნიციპალიტეტის გამგებელმა გოჩა ქაჯაიამ.

მისი თქმით, ადგილობრივი და ცენტრალური ხელისუფლების კოორდინირებული საქმიანობის შედეგად 2016 წელს სობში სოფლის მეურნეობის, კულტურის, განათლების, ეკონომიკის, ინფრასტრუქტურის, ჯანდაცვის და სხვა სფეროებში არაერთი მნიშვნელოვანი პროექტი განხორციელდა, განსაკუთრებული ყურადღება კი სკოლამდელი სადამზრდლო დაწესებულებების ინფრასტრუქტურის მოწესრიგებას ეთმობა.

„ამ მიმართულებით წელსაც ქმედითი ნაბიჯები გადაიდგა. კერძოდ, მიმდინარეობს ქალაქ სობის №1 და ქვემო ქვალონის საბავშვო ბაღების საარეაბილიტაციო სამუშაოები.

„სოფლის მხარდაჭერის პროგრამით“ ყველა ადმინისტრაციულ ერთეულში განხორციელდება ადგილობრივი მოსახლეობის მიერ შერჩეული პროექტები.

ქალაქ სობში, ხუთ ქუჩაზე დაიგო ასფალტ-ბეტონის საფარი, მოწესრიგდა სანიაღვრე სისტემა.

მუნიციპალიტეტში „ენერგო-პროგრამა“ განხორციელდა 17 ადმინისტრაციული ერთეულის გამრიცხველიანება.

ამჟამად ეს პროცესი ორ სო-

ფელში მიმდინარეობს. 2017 წელს გამრიცხველიანდება 3 სოფელი და ამით სობის მუნიციპალიტეტში აღნიშნული მიმართულებით სამუშაოები დასრულდება“-განაცხადა გოჩა ქაჯაიამ.

გამგებლის ინფორმაციით, სობის მუნიციპალიტეტში ადგილობრივი ბიუჯეტით დაფინანსებული პროექტებიდან ქალაქ სობის ხუთ ქუჩაზე ასფალტ-ბეტონის საფარის დაგებისა და სანიაღვრე სისტემის მოწესრიგების გარდა, რომლის ღირებულებამაც 569 777 ლარი შეადგინა, ამჟამად ხორციელდება ქვემო ქვალონის საბავშვო ბაღის რეაბილიტაციის მესამე ეტაპი, პროექტის ღირებულება კი 58 200 ლარს შეადგენს. ასევე მიმდინარეობს ქ.სობის №1 საბავშვო ბაღის აღდგენა, პროექტის ღირებულება 488 888 ლარია; მიმდინარეობს ქალაქ სობის კულტურის სახლისა და ქ. სობის ცენტრალური სტადიონის რეაბილიტაცია-პროექტების ღირებულება კი, შესაბამისად, 500 ათასი და 445 ათასი ლარია.

გოჩა ქაჯაიამ Guardian.ge-ს სობის მუნიციპალიტეტში დაგეგმილი პროექტების შე-

სახეობა მიაწოდა ინფორმაცია. ესენია:

- ქარიატის ადმინისტრაციულ ერთეულში ბონდის ხიდის რეაბილიტაცია-250 ათასი ლარი,

- სეთის ადმინისტრაციულ ერთეულში გზის მოასფალტება-180 ათასი ლარი;

- სობის მრავალფუნქციური სპორტული კომპლექსის მშენებლობა-პროექტის ღირებულებაა 2 მილიონ 971 ათასი ლარი;

- 2016 წელს სოფლის მხარდაჭერის პროგრამის ფარგლებში 848.311 ლარის 73 პროექტი განხორციელდება.

სახელმწიფო ბიუჯეტით დაფინანსებული პროექტებია:

- ზემო ქვალონის და ქვემო ქვალონის ადმინისტრაციულ ერთეულში წყლის სისტემის რეაბილიტაციის შედეგად 1050 მოსახლე უწყვეტი წყალმომარაგებით

თულებით მიმდინარეობს. მოხრეშვით სამუშაოებზე 340 33 ლარი იხარჯება; წყალსადენი სრული რეაბილიტაციის



„საქართველოს სახელმწიფო ელექტროსისტემის“ მიერ „რეგიონული ელექტროგადამცემის გაუმჯობესების პროექტის“ ფარგლებში, ქვეყნის ენერგეტიკისთვის კიდევ ერთი მნიშვნელოვანი ახალი, 220/110 კვ-ანი ქვესადგურის „ხორგას“ პროექტი, რომლის მშენებლობაც 2015 წლის ივლისში დაიწყო. აღნიშნული პროექტის ფარგლებში განხორციელდა 220/110 კვ ქვესადგურის მშენებლობა, რამაც გააძლიერა დასავლეთ რეგიონის უმნიშვნელოვანესი კვანძი „ვარდნილ-პესი-ზუგდიდ-მენჯი-ხორგა-ფოთი-ბათუმი“.

პროექტი „აზიის განვითარების ბანკი“-ს ფინანსური მხარდაჭერით განხორციელდა და მისმა ღირებულებამ 11,9 მლნ ევრო შეადგინა. სამშენებლო

სობის მუნიციპალიტეტში მნიშვნელოვანი ინფრასტრუქტურული პროექტები სორციელდება

გოჩა ქაჯაია: სობის მუნიციპალიტეტის გამგებელი

ისარგებლებს; სამუშაოების ღირებულება 499500 ლარია;

- ნაპირსამაგრი სამუშაოები გურიფულის ადმინისტრაციულ ერთეულში მდინარე სობის-წყალზე, პროექტის ღირებულება 918510 ლარია, დასაქმებულია 20 ადგილობრივი.

- სობი-ახალსოფელი-რკინიგზის სადგურის გზის 10 კილომეტრიანი მონაკვეთის რეაბილიტაცია, რომლის ღირებულება 5 მლნ 963 ათასი ლარია.

- საქართველოს სოფლის მეურნეობის სამინისტროს სისტემაში შემავალი შპს „საქართველოს მელიორაციის“ დაკვეთით, ჭალადიდის და პატარა ფოთის ადმინისტრაციულ ერთეულებში MD მაგისტრალურ არხზე (8350 გრძივი მეტრი) ხიდების მოწყობა მიმდინარეობს. კერძოდ, აშენდება 36 ახალი (მათ შორის: 7 მძიმე ტექნიკის, 20-საავტომობილო, 9-საფეხმავლო) და კაპიტალურად გარემონტდება 9 ხიდი. სამუშაოების მთლიანი ღირებულება 940 000 ლარია.

გოჩა ქაჯაიას ინფორმაციით, 2016 წელს სობის მუნიციპალიტეტში სოფლის მხარდაჭერის პროგრამის ფარგლებში სამუშაოები სხვადასხვა მიმარ-

თვის 5 270 ლარი; სანი-

აღვრე არხების გაწმენდისთვის 156 864 ლარი; სიდ-ბოგორეების რეაბილიტაციისთვის 35 909 ლარი; საბავშვო ბაღებზე 107 510 ლარი; ბიბლიოთეკებზე-20 000 ლარი, სპორტულ მოედნებზე-22 835 ლარი; ქალაქ სობის ცენტრის კეთილმოწყობისთვის 40 018 ლარი; წისკვილების რეაბილიტაციისთვის 16 478 ლარი; მოსაცდელის მოწყობისთვის 21 000 ლარი; სასაფლაოების შემოსვლისთვის 48 657 ლარი; სასაფლაოებზე ფარდულის მოწყობისთვის 8 614 ლარი.

გოჩა ქაჯაიას განცხადებით, სობის მუნიციპალიტეტში განხორციელებული მსხვილი პროექტებიდან აღსანიშნავია



სამუშაოებს ავსტრიული კომპანია „Siemens“-ი აწარმოებდა. პროექტის განხორციელებისას დასაქმებული იყო ადგილობრივი მოსახლეობა. ქვესადგურ „ხორგა“-ს მშენებლობა ქვეყნის ენერგეტიკისთვის ძალიან მნიშვნელოვანი პროექტია, რომელიც ხელს შეუწყობს ელექტროენერგიის გადაცემის სიმძლავრის გაზრდას.

ნობის მუნიციპალიტეტის გამგებლის
ბრძანება №01-515-07

2016 წლის 17 აგვისტო
ნობის მუნიციპალიტეტის ტერიტორიაზე დასახლებების
საერთო კრებების განსაზღვრის შესახებ

„ნობის მუნიციპალიტეტის დასახლების სა-ერთო კრების ტიპური დებულების დამტკიცების შესახებ“ ნობის მუნიციპალიტეტის საკრებულოს 2016 წლის 28 იანვრის №3 დადგენილების შე-საბამისად, ვბრძანებ:

1. განისაზღვროს ნობის მუნიციპალიტეტის ტერიტორიაზე:

- ა) დასახლებებში რეგისტრირებულ ამომრჩე-ველთა რაოდენობა №1 დანართის შესაბამისად;
- ბ) დასახლებების საერთო კრებები იმ და-სახლებებში, რომლებშიც რეგისტრირებულ ამომ-რჩეველთა რაოდენობა 500-ს არ აღემატება, №2 დანართის შესაბამისად;

გ) დასახლებების საერთო კრებები იმ და-სახლებებში, რომლებშიც რეგისტრირებულ ამომ-რჩეველთა რაოდენობა აღემატება 500-ს და ნაკ-ლებია 2000-ზე, №3 დანართის შესაბამისად;

2. ბრძანება ძალაში შევიდეს გამოქვეყნების-თანავე.

3. ბრძანება შეიძლება გასაჩივრდეს საქარ-თველოს ადმინისტრაციული კანონმდებლობით დადგენილი წესით, ფოთის საქალაქო სასამარ-თლოში (მისამართი: ქ. ფოთი, დავით აღმაშე-ნებლის ქ. №3).

გორა ქაჯაია,
ნობის მუნიციპალიტეტის
გამგებელი.

დანართი №1

ნობის მუნიციპალიტეტის დასახლებებში რეგისტრირებულ ამომრჩეველთა რაოდენობა

№	დასახლების დასახელება	ამომრჩეველ-თა რაოდენობა	ადმინისტრაციული ერთეული
1	ნობი	4536	ნობი
2	ახალი ხიბულა	357	ახალი ხიბულა
3	ახალსოფელი	572	ახალსოფელი
4	ბია	385	ბია
5	ბია-საშინო	144	ბია
6	ბულიში	374	ქვემო ქვალონი
7	ბულიწყუ	944	პირველი მაისი
8	გამოდმა პირველი ხორგა	523	პირველი ხორგა
9	გამოდმა ქარიატა	207	ქარიატა
10	გამოდმა შუა ხორგა	458	შუა ხორგა
11	გაღმა პირველი ხორგა	688	ახალსოფელი
12	გაღმა საჯიჯაო	362	საჯიჯაო
13	გაღმა ქარიატა	372	ქარიატა
14	გაღმა შუა ხორგა	393	შუა ხორგა
15	გაშფერდი	550	ახალი ხიბულა
16	გვიმარონი	299	ქვემო ქვალონი
17	გიმზონჯილი	596	ქვემო ქვალონი
18	დასახლება	344	ნოჯიხევი
19	დურღენა	588	ქვემო ქვალონი
20	დღვაბა	237	თორსა-დღვაბა
21	ზემო ბია	31	ბია
22	ზემო ქვალონი	131	ზემო ქვალონი
23	ზენი	106	ნოჯიხევი
24	ზენი	956	საჯიჯაო
25	ზუბი	420	საჯიჯაო
26	ზუბი	564	ახალი ხიბულა
27	თორსა	392	თორსა-დღვაბა
28	კუთხენოჯიხევი	232	ნოჯიხევი

29	ლარჩეა	1057	ხეთა
30	მეორე გურიფული	444	გურიფული
31	ნაფოშტე	371	ნოჯიხევი
32	ნოჩხონი	328	ხეთა
33	ნოჯიხევი	1019	ნოჯიხევი
34	ოხვამეკარი	273	ხეთა
35	პატარა ფოთი	596	პატარა ფოთი
36	პირველი გურიფული	374	გურიფული
37	საღანო-საფანჯ-ლიო	84	ზემო ქვალონი
38	საბაჟო	1140	ჭალადიდი
39	საბუკიო	287	თორსა-დღვაბა
40	საგეინო	420	საგეინო
41	საკეკეინო	490	პირველი მაისი
42	საკუკავო	356	ხამისკური
43	საქირიო	387	ხამისკური
44	საქორქიო	15	ჭალადიდი
45	საღვამიხო	239	ჭალადიდი
46	საჭოჭუო	227	ჭალადიდი
47	სახოჭოლაგო	288	ზემო ქვალონი
48	ყორათი	92	შუა ხორგა
49	ყულევი	241	ყულევი
50	შავდელე	461	შავდელე
51	ძველი ხიბულა	658	ძველი ხიბულა
52	წინაგოლა	572	ხეთა
53	ჭითაუშკური	257	ქვემო ქვალონი
54	ჭიხუ	318	პირველი მაისი
55	ხამისკური	554	ხამისკური
56	ხეთა	433	ხეთა
57	ჯაპიშაქარი	587	საჯიჯაო

დანართი №2

ნობის მუნიციპალიტეტის დასახლებების სა-ერთო კრებები იმ დასახლებებში, რომლებშიც რეგისტრირებულ ამომრჩეველთა რაოდენობა 500-ს არ აღემატება

№	დასახლების საერთო კრების დასახელება	ადმინისტრაციული ერთეული
1	სოფელ ახალი ხიბულის საერთო კრება	ახალი ხიბულა
2	სოფელ ბიის საერთო კრება	ბია
3	სოფელ ბია-საშინოს საერთო კრება	ბია
4	სოფელ ბულიშის საერთო კრება	ქვემო ქვალონი
5	სოფელ გამოდმა ქარიატის საერთო კრება	ქარიატა
6	სოფელ გამოდმა შუა ხორგის საერთო კრება	შუა ხორგა
7	სოფელ გაღმა საჯიჯაოს საერთო კრება	საჯიჯაო
8	სოფელ გაღმა ქარიატის საერთო კრება	ქარიატა
9	სოფელ გაღმა შუა ხორგის საერთო კრება	შუა ხორგა
10	სოფელ გვიმარონის საერთო კრება	ქვემო ქვალონი
11	სოფელ დასახლების საერთო კრება	ნოჯიხევი
12	სოფელ დღვაბის საერთო კრება	თორსა-დღვაბა
13	სოფელ ზემო ბიის საერთო კრება	ბია
14	სოფელ ზემო ქვალონის საერთო კრება	ზემო ქვალონი
15	სოფელ ზენის საერთო კრება	ნოჯიხევი
16	სოფელ ზუბის საერთო კრება	საჯიჯაო
17	სოფელ თორსის საერთო კრება	თორსა-დღვაბა
18	სოფელ კუთხენოჯიხევის საერთო კრება	ნოჯიხევი
19	სოფელ მეორე გურიფულის საერთო კრება	გურიფული
20	სოფელ ნაფოშტეს საერთო კრება	ნოჯიხევი
21	სოფელ ნოჩხონის საერთო კრება	ხეთა
22	სოფელ ოხვამეკარის საერთო კრება	ხეთა
23	სოფელ პირველი გურიფულის საერთო კრება	გურიფული
24	სოფელ საღანო-საფანჯილის საერთო კრება	ზემო ქვალონი
25	სოფელ საბუკიოს საერთო კრება	თორსა-დღვაბა
26	სოფელ საგეინოს საერთო კრება	საგეინო
27	სოფელ საკეკეინოს საერთო კრება	პირველი მაისი
28	სოფელ საკუკავოს საერთო კრება	ხამისკური
29	სოფელ საქირიოს საერთო კრება	ხამისკური
30	სოფელ საქორქიოს საერთო კრება	ჭალადიდი
31	სოფელ საღვამიხაოს საერთო კრება	ჭალადიდი
32	სოფელ საჭოჭუოს საერთო კრება	ჭალადიდი
33	სოფელ სახოჭოლაგოს საერთო კრება	ზემო ქვალონი
34	სოფელ ყორათის საერთო კრება	შუა ხორგა
35	სოფელ ყულევის საერთო კრება	ყულევი
36	სოფელ შავდელეს საერთო კრება	შავდელე
37	სოფელ ჭითაუშკურის საერთო კრება	ქვემო ქვალონი
38	სოფელ ჭიხუს საერთო კრება	პირველი მაისი
39	სოფელ ხეთის საერთო კრება	ხეთა

დანართი №3

ნობის მუნიციპალიტეტის დასახლებების სა-ერთო კრებები იმ დასახლებებში, რომლებშიც რეგისტრირებულ ამომრჩეველთა რაოდენობა აღემატება 500-ს და ნაკლებია 2000-ზე.

№	დასახლების საერთო კრების დასახელება	ადმინისტრაციული ერთეული
1	სოფელ ახალსოფლის საერთო კრება	ახალსოფელი
2	სოფელ ბულიწყუს საერთო კრება	პირველი მაისი
3	სოფელ გამოდმა პირველი ხორგის საერთო კრება	პირველი ხორგა
4	სოფელ გაღმა პირველი ხორგის საერთო კრება	ახალსოფელი
5	სოფელ გაშფერდის საერთო კრება	ახალი ხიბულა
6	სოფელ გიმზონჯილის საერთო კრება	ქვემო ქვალონი
7	სოფელ დურღენას საერთო კრება	ქვემო ქვალონი
8	სოფელ ზენის საერთო კრება	საჯიჯაო
9	სოფელ ზუბის საერთო კრება	ახალი ხიბულა
10	სოფელ ლარჩეის საერთო კრება	ხეთა
11	სოფელ ნოჯიხევის საერთო კრება	ნოჯიხევი
12	სოფელ პატარა ფოთის საერთო კრება	პატარა ფოთი
13	სოფელ საბაჟოს საერთო კრება	ჭალადიდი
14	სოფელ ძველი ხიბულის საერთო კრება	ძველი ხიბულა
15	სოფელ წინაგოლის საერთო კრება	ხეთა
16	სოფელ ხამისკურის საერთო კრება	ხამისკური
17	სოფელ ჯაპიშაქრის საერთო კრება	საჯიჯაო

„ცოტნეობა-2016“ ტრადიციულად აღინიშნა

ყოველი წლის 12 აგვისტოს სობში საოცარი განწყობა სუფევს ხოლმე. მუნიციპალიტეტი საეკლესიო-სახალხო დღესასწაულ „ცოტნეობას“ აღნიშ-

ვდებოვებასთან ერთად აღავლინა.

„ცოტნეობის“ დღესასწაულს მასპინძლობდნენ საქართველოს პარლამენტის წევრი, სობის



ნავს. წლების განმავლობაში სობში იმართებოდა ცოტნე დადიანის სახელის უკვდავსაყფი ღონისძიებები. ხალხური რეწვის ნიმუშების, ნახატების, ხეზე კვეთის, ფერწერული ტილოების გამოფენები. სპორტის სხვა-

მაჟორიტარი დეპუტატი გოდერძი ბუკია, სამეგრელო-ზემო სვანეთის სახელმწიფო რწმუნებული გუბერნატორი ლევან

ყობილი ეთნოკუთხეები, ხალხური რეწვის ნიმუშები, მეგრული ფაცხები და სხვა საინტერესო ნაკეთობა.

სტუმრებმა, მუნიციპალიტეტის ხელმძღვანელობამ სპორტულ შეჯიბრებებში გამარჯვებულები დააჯილდოვა.

განსაკუთრებით მინდა აღვნიშნო, იმ ადამიანების ღვაწლის დაფასება, ვინც წლების განმავლობაში იცავდა მუნიციპალიტეტის ღირსებას. ასეთი ადამიანები კი ნამდვილად დასაფასებელია. სობის მუნიცი-



შონია, საქართველოს პარლამენტის წევრი, ოკუპირებულ ტერიტორიებიდან



იქლუბო გადადგომილებულ პირთა, განსახლების და ლტოლვილთა მინისტრი

პალიტეტის საკრებულოსა და უშუალოდ გამგებლის ბრძანებით „სობის საპატო მოქალაქის“ წოდება მიენიჭათ: ქალბატონ მერი აბრამიას, ბატონებს: ანგულ მიქავას, საშა არჩაიას, გია გურულს.

კობა თუთბერიძეს დამსახურებულ მწვრთნელს მკლავჭიდში „ცოტნე დადიანის სახელობის პირველი ხარისხის ჯილდოს მფლობელის“ ტიტულის მოწმობა და 500 ლარი გადაეცა.

„სობის საპატო მოქალაქეებს“ წოდება მიულოცა სობის მაჟორიტარმა დეპუტატმა გოდერძი ბუკიამ, სამეგრელო ზემო-სვანეთის გუბერნატორმა ლევან შონიამ, მწერალმა ლაშა გვასალიამ, სობის საპატო მოქალაქე პირველმა ცოტნეიდელმა და ამ დღესასწაულის სულისჩამდგმელმა ნუგზარ ნადარაიამ და სხვებმა. „ცოტნეობის“ ზეიმი დაავგირგვინა, როგორც ადგილობრივი ძალებით გამართულმა კონცერტმა და მაჟორიტარმა

დასხვა სახეობაში შეჯიბრებები: სახელდახელოდ ეწყობოდა ფაცხები. სტუმრებს შესაძლებლობა ჰქონდათ დაეგმოვნებინათ მეგრული „დღესასწაულები-ელარჯი, გეგუალია“. ღონისძიებაში მონაწილეობას იღებდნენ ფოთელები, ზუგდიდელები, სენაკელები, წალენჯიხელები, ჩხორწყურელები. საოცარი იყო სვანების მიერ დამზადებული კუბდარი.

ტრადიცია არც წელს დარღვეულა... სადღესასწაულო წირვა-ლოცვა სობის ღვთისმშობლის მიძინების ტაძარში ფოთისა და სობის ეპარქიის მიტროპოლიტმა მეუფე გრიგოლმა ეპარქიის სამღ-



სხვა ხელმძღვანელი პირები. სტუმრებმა ადგილობრივი ხელისუფლების პირველ პირებთან ერთად დაათვალიერეს ხეივანში მოწ-

რებლის წინაშე წარსდგა ქართული ესტრადის ვარსკვლავები სოფო ბეღია, ანრი ჯოხაძე, დათო არჩვაძე და ლევანდარული ანსამბლი „ქართული ხმები“. დასხვა ფოლკლორული და ქორეოგრაფიული ანსამბლები. 12 აგვისტო კვლავაც ლამაზ დღედ დარჩება სობის ისტორიაში.

ნაირა ბერაია

„სოფნოებისადმი“ მიძღვნილი საოცარი ღონისძიებების ქრონიკა

სობის მუნიციპალიტეტის პირველობა ნარდში მიძღვნილი გოგი ბუკიას ხსოვნისადმი

ჟურნალისტ გოგი ბუკიას ხსოვნისადმი მიძღვნილი მუნიციპალიტეტის პირველობა ნარდში 10-12 აგვისტოს ჩატარდა, შეჯიბრებაში 64 მონარდე იღებდა მონაწილეობას, სამ-დღიანი დამაბული ორთაბრძოლების შემდეგ გამოვლინდნენ პრიზორები და გოგი ბუკიას სახელობის თასის გამარჯვებული.

მესამე ადგილისთვის ერთმანეთს დაუპირისპირდნენ სობელი



გრიგოლ თოდუა და ნოჯიხეველი ლევან ჯანჯღავა. შეხვედრა მეტად საინტერესოდ წარიმართა და დამთავრდა გრიგოლ თოდუას გამარჯვებით, მას მესამე ადგილისთვის განკუთვნილი პრიზი, სიგელი და ფულადი ჯილდო გადაეცა.

ფინალში ერთმანეთს დაუპირისპირდნენ სობელები, წინა წლის ტურნირის გამარჯვებული ლაშა ვართაგავა და მალხაზ იოსავა.

მუნიციპალიტეტის ჩემპიონი და გოგი ბუკიას სახელობის პრიზის მფლობელი მალხაზ იოსავა გახდა.

ლაშა ვართაგავას კი გადაეცა მეორე ადგილისთვის განკუთვნილი პრიზი, სიგელი და ფულადი ჯილდო.

მუნიციპალიტეტის ჩემპიონი და გოგი ბუკიას სახელობის თასის გამარჯვებული მალხაზ იოსავა დაჯილდოვდა პირველი ადგილისთვის განკუთვნილი პრიზით, სიგელით და ფულადი ჯილდოთი. მან ამ გამარჯვებით ჩაქვში სექტემბერში გასამართი გოგი ბუკიას სახელობის საერთაშორისო ტურნირზე მონაწილეობის საგზური მოიპოვა.

დაჯილდოების ცერემონიას ესწრებოდნენ სამეგრელო-ზემო სვანეთის რეგიონის გუბერნატორი ლევან შონია, ლტოლვილთა და განსახლების მინისტრი სოზარ სუბარი, მუნიციპალიტეტის გამგებელი გოჩა ქაჯაია, საკრებულოს თავმჯდომარე ედიშერ ჯობავა და სხვები.

გამარჯვებულები დააჯილდოა, საქართველოს პარლამენტის წევრმა, სობის მაჟორიტარმა დეპუტატმა, გოგი ბუკიას ძმამ გოდერძი ბუკიამ.

ქართული ჭიდაობა

12 აგვისტოს გაიმართა სობის მუნიციპალიტეტის პირველობა ქართულ ჭიდაობაში. შეჯიბრება 7 წონით კატეგორიაში ჩატარდა.

წონითი კატეგორიების მიხედვით ჩემპიონები გახდნენ.



თემურ კუპრაძე-45 კგ.
ამირან ხელაია-52 კგ.
ბაკურ ბახტაძე-60 კგ.
ნიკა ღურწყაია-66 კგ.
არჩილ ლიპარტია-74 კგ.
ლევან გვარამია-80 კგ.

ვახტანგ კემულარია-+80 კგ.
დაჯილდოებას ესწრებოდნენ და ჩემპიონები დააჯილდოეს სოზარ სუბარმა, გოდერძი ბუკიამ, გოჩა ქაჯაიამ, ედიშერ ჯობავამ.

წარმატებული სასწავლო წელი

კიდევ ერთი მნიშვნელოვანი და საინტერესო სასწავლო წელი მიიღია ა(ა)იპ „ზობის მუნიციპალიტეტის განათლების ცენტრში, რომელიც“ მრავალპროფილიანი საგანმანათლებლო-სასწავლო დაწესებულებაა თავისი სტრუქტურული ერთეულებით: მოსწავლე-ახალგაზრდობის სახლი, სამუსიკო, სასპორტო და კომპიუტერული სკოლა. ცენტრი მრავალი მიმართულებით ემსახურება სასკოლო ასაკის ნებისმიერი ინტერესის მქონე ბავშვის არასასწავლო, თავისუფალი დროის გონივრული გამოყენებისა და სკოლის შემდგომი დამატებითი განათლების მიღების საქმეს.



2015 -2016 სასწავლო წელი ტრადიციისამებრ განსაკუთრებით წარმატებული გამოდგა სასპორტო სკოლისთვის (მთავარი სპეციალისტი ჟ. პაჭკორია). მათ მსოფლიო, ევროპის, საერთაშორისო თუ რესპუბლიკურ ტურნირებში მნიშვნელოვანი შედეგები აქვთ მოპოვებული. ყველაზე მნიშვნელოვანი ბერძნულ-რომაული ჭიდაობის ჯგუფის მოსწავლეების, საქართველოს ნაკრები გუნდის წევრების ნუგზარ წურწუმიას, ჯონი ხეცურიანის, ირაკლი ნაკაშიას, ნიკა ყორშიას და საერთაშორისო ტურნირის პრიზიორების თემურ გოგოხიას, გოგა პერტახიას, გიორგი სოსელიას შედეგები იყო (მწვრთნელები: მამუკა ყორშია, სურაჯ გვასალია, ბაკურ ბუკია, აღმასხან ხუნჯუა, ზვიად ჭითაშვილი).

განსაკუთრებულ წარმატებას მიაღწია ნუგზარ წურწუმიამ, რომელმაც ქალაქ ბუქარესტში მიმდინარე ევროპის ახალგაზრდულ ჩემპიონატზე, ბერძნულ-რომაული სტილით ჭიდაობაში ჩემპიონობა არავის დაუთმო. ამ დღეებში ქალაქ სტოკჰოლმში გამართულ ევროპის ჩემპიონატში ჭაბუკთა შორის სამი დამაჯერებელი მოგებით იასპარეზა ნიკა ყორშიამ, რომელმაც ლიტველ მოწინააღმდეგესთან მარცხი განიცადა და საბოლოოდ პირად მე-7 და საქართველოს ნაკრებთან ერთად გუნდური მე-2 ადგილი დაიკავა. განსაკუთრებული მადლიერებით აღვნიშნავთ, რომ ნ. ყორშიას ამ ჩემპიონატში მონაწილეობა უზრუნველყო ზობის მუნიციპალიტეტის გამგებობამ და საკრებულომ.

სასიხარულო იყო საქართველოს სპორტისა და ახალგაზრდობის საქმეთა მინისტრის ბრძანება-სასპორტო სკოლის ბერძნულ-რომაული ჭიდაობის ჯგუფის მწვრთნელ-მასწავლებელ მამუკა ყორშიასთვის საქართველოს სპორტის დამსახურებული მწვრთნელის წოდების მიანიჭება.

რუმინეთის დედაქალაქ ბუქარესტში გამართულ მკლავჭიდელთა ევროპის ჩემპიონატზე ტრიუმფალურად იასპარეზეს ჩვენმა მკლავჭიდებელმა: ანრი ბუკიამ ოქროს და ვერცხლის მედალი, გოჩა სიჭინავამ კი ვერცხლის მედალი მოიპოვეს (მწვრთნელ-მასწავლებელი კობა თუთბერიძე).

წარმატებულ ასპარეზობებს აგრძელებენ მიუდღოსა და სამბოს ჯგუფის მოსწავლეები (მწვრთნელ-მასწავ-

ლებლები რომან და მიხეილ მორგოშები). ქალაქ მესტიიაში გამართულ ლერი ნაკა-ნის სახელობის რესპუბლიკურ ტურნირზე ჭიდაობა მიუდღოში, მოჭიდავეებმა: ირაკლი შერყილაძემ ჩემპიონობა, არჩილ ცქიტიშვილმა მეორე და იოანე ცქიტიშვილმა მესამე ადგილები მოიპოვეს, გიორგი ზარანდია კი ზუგდიდში გამართულ საერთაშორისო ტურნირ „კოლხეთის თაისის“ პრიზიორი გახდა.

ქალაქ თერჯოლაში ევროპისა და მსოფლიო ჩემპიონის მიშიკო აბაშიძის ხსოვნისადმი მიძღვნილ ტურნირზე, ჭიდაობა სამბოში იოანე ცქიტიშვილმა მესამე ადგილი დაიკავა.

საქართველოს ჩემპიონატებზე და რეგიონალურ შეჯიბრებაზე საპრიზო მაჩვენებლები ჰქონდათ მძლეოსნობის ჯგუფის მოსწავლეებს, საქართველოს ნაკრების წევრს გრიგოლ ახალაიას და მარიამ შონიას. ამასთანავე, მძლეოსნობის მწვრთნელ-მასწავლებელი ინდირა გრიგოლიანცი მძლეოსნობის ფედერაციის მიერ მიწვეული იყო მძლეოსნობის ახალგაზრდულ ევროპის ჩემპიონატზე, რომელიც ქალაქ თბილისში ჩატარდა.

აქტიურად წარმართავენ მუშაობას ნორჩი მოკრივეები და მწვრთნელ-მასწავლებლები (ედიკა თოდუა, თემურ აბულაძე).



ნორჩი მოკრივე, ეროვნული ნაკრების წევრი ბაკურ ჩიქოვანი (მწვრთნელ-მასწავლებელი ედიკა თოდუა) ჭაბუკებს შორის საქართველოს ჩემპიონი გახდა.

ჭადრაკის ჯგუფის (მწვრთნელ-მასწავლებელი ირაკლი გეთია) მოსწავლეებმა: ამირან შონიამ, ნიკა ბუკიამ, გიორგი ლატარია, ლიკა ჭანტურია, თამარ თუთბერიძემ რეგიონალურ და რესპუბლიკურ ტურნირებში მიიღეს მონაწილეობა და არაერთ წარმატებას მიაღწიეს.

საქართველოს ბილიარდის ფედერაციის რეიტინგის მიხედვით, მნიშვნელოვან შედეგებს აღწევს ნორჩი სპორტსმენი სანდრო ჩიტაია (მწვრთნელ-მასწავლებელი ლერი ბასილაია).

ნორჩი მორაგბეთა გუნდი წარმატებით ასპარეზობს საქართველოს რაგბის კავშირის ეგიდით ორგანიზებულ დასავლეთ საქართველოს გოგონათა და ჭაბუკთა საფეხტივალო ასაკების გუნდების შეჯიბრებებში და საპრიზო მაჩვენებლებიც გააჩნია (მწვრთნელები რომეო გულუა, მერაბ კიტია).

ტაეკვონდოს ჯგუფის (მწვრთნელ-მასწავლებელი პაატა ოჩიგავა) მოსწავლეებმა ქალაქ გორსა და ზესტაფონში გამართული ღია ტურნირებზე ქრისტინა ბუკიამ ჩემპიონობა, ხოლო გივი იოსავამ, თემურ ალანია, გივი ცანავამ, გურამ ალექსანდრიამ საპრიზო ადგილები მოიპოვეს.

სასწავლო წელს ადგილობრივი ბიუჯეტით დაგეგმილი სპორტული ღონისძიებები ჩატარდა, როგორიცაა ღვაწლმოსილი პედაგოგის აკაკი (კაკო) ზარანდიას ხსოვნისადმი მიძღვნილი ტურნირი მოსწავლეებს შორის ჭადრაკში, ბილიარდის შიდასასკოლო ტურნირი, დასავლეთ საქართველოს საფეხტივალო

ასაკების შეჯიბრი რაგბში, საერთაშორისო ოლიმპიური დღისადმი მიძღვნილი შეჯიბრი რბენაში, რომელიც დაფინანსდა 479 ლარით.

დღევანდელი მდგომარეობით ახალი სასწავლო წლისათვის ადგილობრივი ბიუჯეტის დაფინანსებით მიუდღოს, კრივის, ბერძნულ-რომაული ჭიდაობისა და რაგბის ჯგუფებისთვის შეძენილია 3600 ლარის ღირებულების სპორტული ინვენტარი.

მოსწავლე-ახალგაზრდობის სახლში (მთავარი სპეციალისტი აზა თათარიშვილი), მოსწავლეთა სახლის ნორჩ ურნალისტთა და გამომეტყველებითი კითხვის წრეების მოსწავლეების მონაწილეობით გაიმართა ლიტერატურული ღონისძიებები, რომლებიც მიეძღვნა დედისა და ქალთა, ქართული ენის და საქართველოს დამოუკიდებლობის დღეებს, განსაკუთრებული მოწონება დაიმსახურა გობელენისა და ნორჩ მხატვართა ნამუშევრების გამოფენებმა.

ბავშვთა დაცვის საერთაშორისო დღეს ტრადიციული სწავლება მიუძღვნა ანიმაციის განვითარების ფონდმა „ექო-თიფუზმა“. სასწავლო წლის მანძილზე აქტიურ წრეობრივ მუშაობაში ჩართულია 200-ზე მეტი მოსწავლე.

კომპიუტერულ სკოლაში (მთავარი სპეციალისტი ნუნუ კილასონია) დღიდან დაარსებისა, აქტუალობას არ კარგავს ასაკობრივ ჯგუფებში სხვადასხვა კომპიუტერული პროგრამების სწავლებასთან ერთად, ქსელური კომპიუტერული თამაშები.

კომპიუტერული სკოლა არადადეგების პერიოდში სრული დატვირთვით განაგრძობს მუშაობას.

სამუსიკო სკოლის (მთავარი სპეციალისტი თამარ ხუნწარია) მოსწავლეებმა არაერთი გემიური კონცერტი გამართეს სკოლის საკონცერტო დარბაზში. მათ შორისაა გაზაფხულის დღესასწაულებისადმი მიძღვნილი, ნორჩ მუსიკოსთა საფორტეპიანო (პედაგოგები: ნ. მარგველაშვილი, ვ. ანთია, ჟ. ლატარია) და წლის შემაჯამებელი კონცერტები. ასევე წლის შემაჯამებელ ღონისძიებებად იქცა მოსწავლე-ახალგაზრდობის სახლსა და სამუსიკო სკოლის საახალწლო-საშობაო კონცერტები და ლიტერატურული კომპოზიციები.

სამუსიკო სკოლის კონტინენტი სასწავლო წლის დასაწყისში შეადგენდა 6 მოსწავლეს, სწავლების სრული კურსი დაამთავრა 6 მოსწავლემ-ლიკა ქაქუთაიამ, ნათია ყვანია, მარიამ ესეპუამ, ხოლო თამარ ტურავამ, ნოდარ და ნიკოლოზ შონიებმა, წარჩინებული მოსწავლეების მოწმობები მიიღეს.

მომავალი სასწავლო წელი განსაკუთრებულად გვესახება. საქართველოს მთავრობის, სამეგრელო-ზემო სვანეთის რეგიონის ხელმძღვანელების, ზობის მუნიციპალიტეტის გამგეობისა და საკრებულოს ინიციატივითა და მხარდაჭე-



რით ზობში უნიკალური სპორტული დარბაზისა და კომპლექსის აღდგენის დასაწყისი გახდება, მოხდება სტრუქტურული ერთეულების მატერიალურ-ტექნიკური ბაზის განახლება, სპორტული და კულტურული ღონისძიებების პროექტების განხორციელება. ამის იმედს და შესაძლებლობას დაგეგმილი ადგილობრივი ბიუჯეტი გვაძლევს, რაც უდიდესი მოტივია მნიშვნელოვანი და წარმატებული მომავლისა.

ხათუნა ხორაშა,
ა(ა)იპ ზობის მუნიციპალიტეტის განათლების ცენტრის დირექტორი.

„წარმატებული ხობელები ხობს ბარეთ“



გაეცანით მკითხველს.

—გაზლავართ ეკონომიკის აკადემიური დოქტორი, პროფესორი, გრიგოლ რობაქიძის სახელობის უნივერსიტეტის, ბიზნესისა და მართვის სკოლის დეკანი, აკადემიური პროგრამის ხელმძღვანელი. ვარ ილიას უნივერსიტეტის მოწვევული პროფესორი. ვთანამშრომლობ სხვადასხვა საერთაშორისო და ადგილობრივ არასამთავრობო ორგანიზაციებთან. გამოქვეყნებული მაქვს 20-ზე მეტი სამეცნიერო ნაშრომი. ვმუშაობდი თბილისის ივ. ჯავახიშვილის სახელმწიფო უნივერსიტეტში და კაკასიის აკადემიურ ცენტრში სხვადასხვა ადმინისტრაციულ და აკადემიურ თანამდებობებზე. ვიყავი USAID-ის, EWMI-ის, UNDP-ის და სხვა ფონდებიდან დაფინანსებული პროგრამების და პროექტის ხელმძღვანელი, გრანტის მენეჯერი, პროექტის ლიდერი, კოორდინატორი, დასაქმების ექსპერტი და ა.შ.

თქვენი მამისეული ოჯახი.

—დავიბადე და გაიზარდე სოფელ ახალ ხიბულაში. მამა ოთარის და დედა ცაბალა ვეკუას შრომის მოყვარე ოჯახი ჰქონდათ. ოთხი შვილიდან ყველაზე უმცროსი ვარ. არასოდეს დამავიწყდება ბავშვობის წლები და შეხმატებულებული ცხოვრების ატმოსფერო, რომელიც ჩვენს ოჯახში სუფევდა. მშობლებმა კარგად იცოდნენ ცოდნის მნიშვნელობა და ძალ-ღონეს არ იშურებდნენ შვილებისთვის განათლების მისაღებად ნორმალური პირობების შესაქმნელად. ხშირად მახსენდება მამაჩემის საუბრები ცოდნის მნიშვნელობაზე, რომელიც მან თავისი, საკმაოდ რთული ცხოვრებისეული გამოცდილებით შეიძინა.

ბავშვობა...

—სკოლაში გატარებული წლები საუკეთესო პერიოდი იყო ჩემს ცხოვრებაში. ძალიან გამიმართლა და პირველივე კლასიდან საუკეთესო პედაგოგები მასწავლიდნენ. სკოლის დამთავრებიდან 25 წელი გავიდა და დღეს თამამად შემიძლია ვთქვა, რომ ახალი ხიბულის პირველი საჯარო სკოლა იმ პერიოდში ერთ-ერთი ყველაზე საუკეთესო იყო საქართველოში არსებულ საშუალო სკოლებს შორის. გარდა იმისა, რომ სკოლას ყავდა უმაღლესი კვალიფიკაციის ხელმძღვანელობა და პედაგოგები, მოსწავლეები ჩვენი მასწავლებლებისგან ყოველდღე ვხედავდით ცოცხალ მაგალითს, თუ როგორი უნდა იყოს ღირსეული ადამიანი და როგორ უნდა აკეთოს ძალიან მნიშვნელოვანი საქმეები.

თავიდანვე მივიღე გადაწყვეტილება ეს სტატია შორს უნდა მდგარიყო სახობო ჟანრისგან, მიუხედავად იმისა, რომ მხოლოდ წარმატებებზე და შედეგებზე უნდა მეტაპარაყა. მსურდა მიმეღო ცოცხალი, საინტერესო, შინაარსიანი და დამაფიქრებელი ინტერვიუ, რომელიც გაზეთის მკითხველს გააცნობდა ერთ-ერთ წარმატებულ ხობელს. მოლოდინმა გაამართლა. ჩვენი რუბრიკის „წარმატებული ხობელები ხობს გარეთ“ სტუმარია ახალ-ხიბულელი მურთაზ ჰვირაშვილი.

მეამაყება, რომ ძალიან მეგობრული კლასი მყავდა. დღემდე ძალიან თბილი ურთიერთობა გვაქვს კლასელებს და არ გვავიწყდება ერთად გატარებული სკოლის წლები.

პროფესიის არჩევა და სტუდენტობის წლები

—ბავშვობიდან ტექნიკური საგნების მიმართ მქონდა ინტერესი. ალბათ, ამ ფაქტორმა და უახლესი გარემოცვის რჩევამ განაპირობა ჩემი პროფესიული არჩევანიც ეკონომიკის და მენეჯმენტის მიმართულებით. უმაღლესი

რი განვითარების საკითხების შესწავლა. ღირებული იყო ისრაელის მთავრობის მხარდაჭერა, რომელმაც საშუალება მომცა არავას ინსტიტუტში პროფესიულ გამოცდილების გარდა ბევრ სხვა მნიშვნელოვან სფეროებზე ჩამოშენებული ჩემი ზედვა. ჩვენი ქვეყნის განვითარებაში მნიშვნელოვანი წვლილი შეაქვს ევროკავშირის პროექტებს, რომელიც საქართველოს ბევრ მოქალაქეს შესაძლებლობას აძლევს გაეცნოს ევროპულ გამოცდილებას სხვადასხვა სფეროში. ევროკავშირის პროე-

ზე უკეთესად იცის. ამიტომ სხვა ადამიანებთან ურთიერთობისთვის მეტი ყურადღების დათმობას ყოველთვის სასურველ შედეგებამდე მივყავართ, როგორც პირად ცხოვრებაში, ასევე საქმიანობის სფეროში.

წინააღმდეგობები? როგორ გადაგილახათ იგი?

—ვერ ვიტყვი, რომ გამოწვევები ცოტა იყო ჩემს ცხოვრებაში. ალბათ დამეთანხმებით, რომ სოფლიდან სასწავლებლად წასულ ყველა ახალგაზრდას დიდი შრომა და ძალისხმევა სჭირდება ღირსეული ადგილის დასამკვიდრებლად და ახალ გარემოში ადაპტაციისთვის. გამოწვევები და პასუხისმგებლობა გაცილებით მეტია, როცა უცხოეთში გიწვევს გარკვეული საქმიანობა, მაგრამ თითოეული გამოწვევა ერთგვარი ახალი გამოცდილება და შესაძლებლობაა, რომლის ნაწილის გამოყენებაც ალბათ შეეძლება. ახლა უკვე კარგად ვიცი, რომ წინააღმდეგობები მომავალშიც გარდაუვალია, თუმცა ვიმედოვნებ, წარსულის გამოცდილებიდან გამომდინარე, სამომავლო გამოწვევები უფრო ნაკლებად მტკივნეული იქნება.

რას ეტყვი ახალგაზრდებს? რაში მდგომარეობს წარმატების საიდუმლო?

—ყოველწლიურად გზვდები ათასობით აბიტურიენტს და სტუდე-

ობა მაქვს, ყოველთვის გულწრფელ ადამიანებთან ურთიერთობას ვანიჭებ უპირატესობას.

როგორია თქვენი ოჯახი? რაში მდგომარეობს პარმონი-ული ოჯახის საიდუმლო? როგორია თქვენი ერთი სამუშაო დღე?

—მე, ჩემი მეუღლე ნინო და ჩვენი 8 წლის შვილი სანდრო, ერთი პატარა ტრადიციული ოჯახის წევრები ვართ. ოჯახის პირობით დღის წესრიგს, სანდრო „განსაზღვრავს“ ხოლმე. როდესაც მე და ნინო სამსახურიდან ვბრუნდებით, ხოლო სანდრო სკოლიდან, ისე ვხვდებით ერთმანეთს, უცხო ადამიანმა რომ დაგვინახოს იფიქრებს, ალბათ დიდი ხანია ოჯახის წევრებს ერთმანეთი არ უნახავთო. სანდროს, სიტყვა „პროფესორი“, ყველაფრის მცოდნე ჰგონია. ამიტომაც, როცა მამა მის რომელიმე შეკითხვას ვერ პასუხობს, სანდრო ირონიული გამომეტყველებით ეუბნება: „აბა რისი პროფესორი ხარ მამა ეს თუ არ იცი!“. სანდროს არც თუ ისე მარტივი შეკითხვები აქვს ხოლმე და ეს იმედს გვაძლევს, რომ იგი თავის მშობლებზე უფრო ჭკვიანი იქნება.

ოცნება...

—ძალიან დიდი ოცნება და სურვილი მაქვს ჩემმა შვილმა და მისმა თაობამ ისეთ საზოგადოებაში იცხოვროს, სადაც ადამიანები უფრო ბედნიერები იქნებიან, ვიდრე ეს ჩემი და ჩემი მშობლების თაობის შემთხვევაში იყო.

დღეს რა კავშირი გაქვთ ხობთან? რას ეტყვი ხობელებს?

—ხობი თავისი კულტურით, ისტორიით, სტუმართმოყვარეობით, ულამაზესი ადგილებით და შესანიშნავი მაცხოვრებლებით საამაყო ადგილია თითოეული ხობში მცხოვრებისთვის და ხობიდან წასული ადამიანებისთვის. ხობთან დაკავშირებული საკითხები ხშირი საუბრის თემაა ჩემს მეგობრებთან. ხოლო უცხოელებს როცა პირად საუბარში ემოციურად ვუყვები საქართველოზე, ხობზე, ხიბულაზე, ხობისწყალზე და განსაკუთრებით ზაფხულის თვეებში მის სილამაზეზე, ყველა მათგანს მისი ნახვის სურვილი უჩნდება.

ხობში ბევრი მეგობარი და ახლობელი მყავს. დედაჩემი და ჩემი მამა ოჯახთან ერთად ხობის რაიონში ცხოვრობენ. ბუნებრივია, ჩემს მშობლიურ რაიონთან მაქვს და მთელი ცხოვრება მექნება ურთიერთობა. უფრო მეტიც, წელიწადში ერთხელ მაინც თუ ვერ მოვახერხებ გარკვეული დროით ხობში ჩამოსვლა, შინაგანდ უკმაყოფილებას ვგრძნობ ხოლმე.

ცხოვრებას თავიდან რომ იწყებდით?

—ცხოვრებას თავიდან რომ ვიწყებდე პროფესიულ საქმიანობას იგივე მიმართულებით ავირჩევდი, მაგრამ უფრო მეტად მოვეფერებოდი იმ საყვარელ ადამიანებს, რომლებიც მოულოდნელად წავიდნენ ჩემი ცხოვრებიდან.

საყვარელი სტრიქონით დაგვამშვიდობეთ

—თქვენ და ყველა ხობელს ვუსურვებ წარმატებებს. დიდი მადლობა ინტერვიუსთვის.

მესაუბრა
ანანა ვულაია.

თუ მოინდომა, ყველა მიზანი მიღწევადია

განათლება თბილისის ივ. ჯავახიშვილის სახელობის სახელმწიფო უნივერსიტეტში მივიღე. ასპირანტურის დამთავრების შემდეგ ამავე უნივერსიტეტში დავიცავი სადოქტორო დისერტაცია. ამ მიმართულებითაც გამიმართლა და უნივერსიტეტში სწავლის პერიოდში ძალიან ბევრ პროფესიონალ ადამიანთან მქონდა ურთიერთობა. სამწუხაროდ, ჩემი სტუდენტობის წლები საქართველოში მომხდარ ტრაგიკულ მოვლენებს დაემთხვა (სამოქალაქო ომი, აფხაზეთის და შიდა ქართლის მოვლენები). მაგრამ, ძალიან სასიამოვნოა, რომ დღევანდელ ახალგაზრდებს შეუდარებლად მეტი შესაძლებლობები აქვთ სწავლისთვისაც და ნორმალურ გარემოში ცხოვრებისთვისაც.

განათლებასთან და სწავლასთან დაკავშირებული რომელ სხვა აქტივობას გამოყოფდით?

—საკმაოდ დიდი ცოდნა და გამოცდილება მომცა მსოფლიოს სხვადასხვა ქვეყნებში სასწავლო, სამსახურებრივ და განვითარების პროგრამებში მონაწილეობამ. განსაკუთრებით გამოვყოფდი 2009-2010 წლებში, ამერიკის სახელმწიფო დეპარტამენტის დაფინანსებით ნებრასკის, კანზასის, ვისკონსინის უნივერსიტეტებში მიღებულ ცოდნას და გამოცდილებას. არანაკლებ მნიშვნელოვანი იყო ჩემთვის უფრო ადრეულ პერიოდში გერმანიაში, მომავალ ლიდერთა აკადემიაში მიღებული უნარები, შვედეთის მთავრობის პროგრამით, სტოქჰოლმის და შვედეთის რეგიონებში გარკვეული პერიოდით ყოფნა და მათი ეკონომიკუ-

ქტის ფარგლებში ჩართული ვიყავი აკადემიური და ადმინისტრაციული მოხილვების პროცესში და მიმაჩნია, რომ პორტოს უნივერსიტეტში მიღებული გამოცდილება და ახალი კავშირების დამყარება მნიშვნელოვანი ნაბიჯია საერთაშორისო სამეცნიერო და აკადემიურ საზოგადოებასთან თანამშრომლობის გაღრმავების თვალსაზრისით.

ნაბიჯები, რომლითაც აღწევდით მიზანს და რა მიგაჩნიათ თქვენი საქმიანობის მთავარ შედეგად?

—ნებისმიერი მიზანი მიღწევადია თუ ადამიანს გაუმართლა და ისეთ საქმეს აკეთებს, რომელიც მას უყვარს. მიზანსწრაფულობა, შრომისმოყვარეობა, ნებისყოფა ის თვისებებია, რომელიც ეხმარება ადამიანს ნებისმიერ საქმიანობაში. ჩემი მუშაობის მთავარ შედეგად მიმაჩნია სტუდენტები, რომლებიც წარმატებებს აღწევდნენ თავიანთ საქმიანობაში. რომელი სიტყვა უფრო შეეფერება არ ვიცი, სიამაყე თუ კმაყოფილება, მაგრამ ძალიან ბედნიერი ვარ, როდესაც ჩემი ყოფილი სტუდენტების წარმატებებზე ვისმენ ინფორმაციას.

ადამიანები, რომლებმაც გააღწია იქონია თქვენზე?

—ძალიან ბევრ კარგ ადამიანთან მქონდა და მაქვს ურთიერთობა. ბევრი მათგანის რჩევამ, თანადგომამ, ნაზრევამ, პირადი ცხოვრების მაგალითმა დიდი, პოზიტიური ზეგავლენა იქონია ჩემს პიროვნებაზე და საქმიანობაზე. ყველა ჩვენთანგანმა ძალიან კარგად იცის, რომ ნებისმიერი ადამიანი რაღაცით მაინც გვევლინება ან რაღაცა მაინც ჩვენ-

ნტს. საბედნიეროდ, საუკეთესო თაობები მოდის. ჩემი რჩევაა ახალგაზრდებმა სწორად შეარჩიონ თავიანთი ინტერესის სფერო და გაუფრთხილდნენ მათ ხელში არსებულ ყველაზე ძვირადღირებულ რესურსს—დროს. როგორც ზემოთ აღვნიშნე, ყველა მიზანი მიღწევადია. დასახული მიზნის მისაღწევად ახალგაზრდებმა შეიძლება მცირე, მაგრამ აუცილებლად ყოველდღიურად რაღაცა უნდა გააკეთონ. დიდი შედეგის მიღწევა, მხოლოდ ეტაპობრივი, მცირე წარმატებებით არის შესაძლებელი.

დღეს არსებული საინფორმაციო ტექნოლოგიები, მიზნობრივი გამოყენების შემთხვევაში, ნებისმიერ ახალგაზრდას თავისი პოტენციალის რეალიზაციის განუხაზღვრელ შესაძლებლობებს აძლევს. არ შევცდები თუ ვიტყვი, რომ ჩვენი ქვეყნის განვითარების ერთადერთი რესურსი განათლებაა. ამიტომ, ახალგაზრდები, რომლებიც თანამედროვე განათლების მისაღებად შრომობენ, უმნიშვნელოვანეს საქმეს აკეთებენ საკუთარი და ამავე დროს ქვეყნის მომავლისთვის.

ღირებულებები, რომლითაც ცხოვრობთ? როგორ ადამიანებთან არჩევთ ურთიერთობებს?

—ნებისმიერ ადამიანი გულწრფელი უნდა იყოს. ეს თვისება გვეხმარება ნაკლებად მტკივნეული იყოს ჩვენი შეცდომების შედეგები, რომლებსაც, სამწუხაროდ, ვუშვებთ ხოლმე. ჩემი გამოცდილებით გულწრფელი ადამიანები უფრო ბედნიერები არიან, ისინი მეტ შედეგებს აღწევენ სამსახურებრივ საქმიანობაშიც და პირად ცხოვრებაშიც. თუ არჩევანის შესაძლებლ-



ჩვენი გაზეთის სტუმარი გახლავთ, ხობელებისთვის კარგად ნაცნობი, თაობების აღმზრდელი, ენერგიული და შრომისმოყვარე, ხობზე და ხობელებზე შეყვარებული პედაგოგი, ალექსანდრე (საშა) არჩაია, რომელსაც წელს „ცოტნეობის“ დღესასწაულზე, „ხობის საპატიო მოქალაქის“ წოდება მიენიჭა.

თუ როგორი იყო მის მიერ განვლილი გზა, რა არის მისთვის ხობელობა და ეს

წოდება, ამაზე ჩვენს ინტერვიუში შეიტყობთ.

ბატონო საშა, როგორია თქვენს მიერ დღემდე გამოვლილი გზა?

—გმადლობთ, რომ დაინტერესდით ჩემი პიროვნებით. ყველანი ბავშვობიდან მოვდივართ. ბავშვობის წლებში ეყრება საფუძველი პიროვნების ადამიანური თვისებების ჩამოყალიბებას, ზნეობრივ-მორალურ თვისებებს, ხასიათს და ნებისყოფას.

მუშაობა ქ. ხობის №2 საშუალო სკოლაში დაიწყო. სხვადასხვა დროს ვმუშაობდი №43 საკავშირო სპორტინტერნატის დირექტორად, №2

სამყაროში ღრმად წვდომა.

პედაგოგის მუშაობა კოლოსალურ ენერგიას, შრომას მოითხოვს. „მასწავლებლო! მასწავლებლობას გმირობად გით-

„ჩემი ხობი სამეგრელოს სერსეჟალია“



ფას. ამიტომ ყველა პირობა უნდა შევუქმნათ მოზარდს ამ თვისებების ჩამოყალიბებისთვის. ჩემი მშობლები, რომლებიც საკოლმეურნეო მოძრაობის აქტიური წევრები იყვნენ, მუდამ გვინერგავდნენ შრომისადმი და მოყვასისადმი სიყვარულს. ამიტომ სრულწლოვანი ისე გავხდი, რომ ასაკის შესაბამისად გარკვეული შრომითი უნარჩვევები და ჩემს გარშემო მყოფი ადამიანების მიმართ ადამიანური დამოკიდებულება გამაჩნდა.

დავბადებულვარ 1941 წელს. 1958 წელს დავამთავრე საშუალო სკოლის სრული კურსი. რადგან მაშინდელი განათლების კანონის თანახმად აბიტურიენტს უნდა ჰქონოდა მუშაობის სტაჟი, ერთი წელი ფიზიკურად ვიმუშავე, ჩავაბარე მისაღები გამოცდები სოხუმის სახელმწიფო ინსტიტუტის ფიზიკა მათემატიკის ფაკულტეტზე. ინსტიტუტის დამთავრების შემდეგ

საშუალო სკოლის დირექტორად, სოფელ ნოჯიხევის სასოფლო საბჭოს თავმჯდომარედ, ქ.ხობის საქალაქო საბჭოს აღმასკომის თავმჯდომარედ. ამჯერად ვემსახურები ჩემს საყვარელ პროფესიას რასაც მასწავლებლობა ჰქვია.

თქვენი ოჯახი...

—მყავს მეუღლე—პედაგოგი ეთერ ესაკია, ოთხი შვილი, (ყველა დაოჯახებული) და შვიდი შვილიშვილი.

მასწავლებლობა რთული და საპასუხისმგებლო პროფესიაა, წლებია ამ პროფესიას ემსახურებით, როგორ დაიწყო თქვენი კარიერული წინსვლა?

—გეთანხმებით, მასწავლებლობა მეტად რთული, საპასუხისმგებლო, მაგრამ საინტერესო პროფესიაა.

ნახევარ საუკუნეზე მეტია, ამ პროფესიას ვემსახურები. თავიდან, რომ დავიწყო ცხოვრება, ისევ ამ პროფესიას ავირჩევდი. მასწავლებლად უნდა დაიბადო. უნდა შემეძლოს მოზარდის სულიერ

ვლის ერი! ამ სიტყვებმა გასული საუკუნის 70-იან წლებში გაიჟღერა, მაგრამ მე ამას ვგრძნობდი ჩემი მოსწავლეობის წლებში, როცა ჩემი აღსაზრდელების ტიტანურ შრომას ვუყურებდი, სწორედ ამიტომ შემიყვარდა ეს პროფესია. როგორ სიამაყეს ვგრძნობ, როცა ჩემი პედაგოგებიდან დღეს 7 ცოცხალი მყავს. მათთან ხშირი კონტაქტი მაქვს. ყოველი შეხვედრა გარკვეულ სტიმულს მაძლევს მუშაობაში და ახალ-ახალი წარმატებებისკენ განმაცხოვრებს.

წლების განმავლობაში სკოლის დირექტორი ბრძანდებოდით, რა პარალელების გავლება შეგიძლიათ დღევანდელ და წლებისწინანდელ სკოლას შორის?

—თანამდებობა ჩემთვის თვითმიზანი არასდროს ყოფილა, მაგრამ რიგით მასწავლებელს დიდი ტრადიციების მქონე სკოლის დირექტორობა შემომთავაზეს, სხვათაშორის, ეს პედაგოგებისა და მშობელთა აქტივის მოთხოვნა იყო. გზავჯარედინზე დავდექი, დიდი ფიქრისა და განსჯის შემდეგ მივიღე გადაწყვეტილება.

დირექტორად 26 წელი ვიმუშავე. ალბათ ამ რეკორდს ვერავინ მოხსნის. რაც შეეხება კითხვის მეორე ნაწილს და პარალელებს, გეტყვით, ცხოვრება წინ მიდის და იგი სულ ახალ-ახალ მოთხოვნებს უყენებს სკოლას და სწავლა-აღზრდის მთავარ ფიგურას მასწავლებელს.

დღეს მოზარდი სწრაფი, მოზღვავებული ინფორმაციის საუკუნეში ცხოვრობს. დღევანდელი მასწავლებლის მოვალეობაა მოზარდს ახალი სწავლების ტექნოლოგიებით ასწავლოს და ჩაუნერგოს ამ მოზღვავებულ ინფორმაციებში გარკვევის და სწორი დასკვნების გაკეთების უნარ-ჩვევები.

დღევანდელ თაობაზე რა აზრის ბრძანდებით?

—მე მიყვარს და მომწონს დღევანდელი თაობა. ვისაც განსხვავებული აზრი აქვს, ალბათ ფეხი ვერ აუწყო დროთა მდინარეებს, ვერ მონახა ალხალგაზრდების გულთან მისასვლელი გზები. ცივილიზაციამ ჩვენი ცხოვრების ყვე-

ნობელი ვარ. პატარა, რომ ვიყავი, გული მიკვდებოდა როცა ხობს ალფავიტის გამო სულ ბოლოში ახსენებდნენ. კიდევ კარგი, რომ ამ მანვან ტრადიციას ბოლო მოეღო. დღეს ჩემს მშობლიურ ხობს მოწინავეთა რიგებში ვხედავ. ხობი ხომ გეოგრაფიული მდებარეობით კოლხეთის გულია, თუ სამეგრელო საქართველოს სერხემალია, მაშინ ჩემი ხობი სამეგრელოს სერხემალია.

„ცოტნეობის“ დღესასწაულზე საპტიო ხობელის წოდება მოგენიჭათ, რა გრძნობა დაგეუფლათ?

—ჩემთვის დიდი პატივი იყო ეროვნულ დღესასწაულზე, „ცოტნეობაზე“ ხობის საპატიო მოქალაქის წოდების მიენიჭება. ეს ჯილდო ჩემი მეგობრების, ამხანაგების და ყველა იმათი დამსახურებაა, ვინც მხარში მედგა ჩემი ცხოვრების მანძილზე, სასიკეთო საქმეებისთვის ბრძოლაში. ჩემთვის დიდი პატივი იყო აგრეთვე, სახელოვანი ადამიანების გვერდით დგომა:

მერი აბრამია—ჩემი მასწავლებელი, ხობელების საამაყო პიროვნება.

ანგული მიქავა—ყველა ხობელისთვის საყვარელი ადამიანი, ნაღდი და უღალატო კოლხი, რომელსაც ღოამის წილი მიუძღვის ხობის აღმშენებლობაში. ეს ჯილდო ბევრს მავალეს და სტიმულს მაძლევს უფრო მეტი გავაკეთო ხობისა და



რებული აქვს „მღევაი საკვირველის“, თამარის ოქროს ხანის, ჭყონდიდელის მწიგნობრობის, ცოტნეს ერთგულებისა და თანადგომის, კონსტანტინე გამსახურდიას ეროვნული მრწამსისა და პატრიოტული სულისკვეთების მნიშვნელობა და იგი მათ გმირულ ნაკვალევზე ივლის.

რას ნიშნავს თქვენთვის ხობელობა?

—ხობში დავიბადე და გავიზარდე. მთელი შეგებით

ხობელების საკეთილდღეოდ. პრესის საშუალებით უღრმესი მადლობა დიდი ჯილდოს მოლოცვისთვის. ვეცდები მათი სურვილები გავამართლო. ხობელობა იგივე ქართველობაა, მამულიშვილობაა, რომელიც ასოცირდება სამეგრელოს უღამაზეს კუთხესთან. მეტს გავალეს ენერგიის მაქსიმუმი გაიღო და ენთუზიზმით იცხოვრო შენი მშობლიური ხობისა და ხობელების საკეთილდღეოდ.

**ესაუბრა
ნიკო გერგაია**

სოხის მუნიციპალიტეტის გამგეობა ახსნაღებს განმეორებით აუქციონს

სოხის მუნიციპალიტეტის საკუთრებაში არსებული ქონების პრივატიზაციაზე დანართი № 1

№	დასახელება	სავარაუდო წონა (ტონა)	სავარაუდო ღირებულება	ბე 10%	ბიჯი 10%	ბილეთის ღირებულება
1	ჯართი პ/მაისის საბავშვო ბაღში	1,4	70	7	7	20
2	ჯართი ზუბის სასოფლო კლუბში	4	240	24	24	20
3	საფეხბურთო მოედნის დემონტაჟის შედეგად მიღებული ჯართი.	100	14000	1400	1400	20

დანართი №2

მისამართი	სართული	გასაიჯარებელი ფართი კვ.მ	1 კმ. მ ფართის ღირებულება ლარი	გასხვისების ვადა წელი	იჯარის ქირის განაკვეთი %	საიჯარო ქირა თვეში ლარი	ბე 10 %	ბიჯი 10%	ბილეთის ღირებულება
ჭალადიდის ყოფილი ადმინისტრაციული შენობა	I	139.48	82	5	40	381.24	38.10	38.10	20
ც. დადიანის ქუჩა №185 მდებარე ადმინისტრაციული შენობა	IV	30.68	67	1	30	51	5,1	5,1	20
		19.25	67	1	30	32	3,2	3,2	20
		18.9	67	1	30	32	3,2	3,2	20
		18.9	67	1	30	32	3,2	3,2	20
		9,1	67	1	30	15	1,5	1,5	20
		6,6	67	1	30	11	1,1	1,1	20

განცხადების მიღების ადგილია ქ. სოხი ც. დადიანის ქუჩა №189, სოხის მუნიციპალიტეტის გამგეობა, ეკონომიკური განვითარებისა და ქონების მართვის სამსახური.

განცხადების მიღების ვადაა გაზეთში ინფორმაციის გამოქვეყნებიდან აუქციონის ჩატარების დღემდე 10-00 საათიდან 18-00 საათამდე (შაბათ-კვირის გარდა), ხოლო აუქციონის ჩატარების დღეს 10-00 საათიდან 14-00 საათამდე.

აუქციონის ჩატარების თარიღია 2016 წლის 5 სექტემბერი, 15-00 სთ.

საბანკო რეკვიზიტები: ერთიანი ანგარიში არასაგადასახადო-707017021, მიმღები ბანკი-სახელმწიფო ხაზინა, ბანკის კოდი-TRESGE22

აუქციონის ფორმით ქონების პრივატიზებისას გამყიდველის და მყიდველის მიერ ხელმოწერილ აუქციონში გამარჯვების დამადასტურებელი ოქმი არის წერილობითი ხელშეკრულება. გამარჯვებული პირის მიერ აუქციონში გამარჯვებისას დამადასტუ-

რებელ ოქმზე ხელის მოწერაზე უარის თქმა ართმევს მას გამარჯვებულის სტატუსს.

აუქციონში გამარჯვებული ვალდებულია, აუქციონის ჩატარებიდან საქართველოს კანონით განსაზღვრულ ვადაში, გამგეობასთან გააფორმოს ხელშეკრულება, აგრეთვე აუქციონის შედეგების ოქმის დამტკიცების მომენტიდან 30 დღის განმავლობაში დაფაროს მის მიერ აუქციონზე დასახელებული საბოლოო თანხა, წინააღმდეგ შემთხვევაში, მყიდველს არ მიეცემა საკუთრების უფლება და „ბე“-ს შენატანი არ დაუბრუნდება, აუქციონის შედეგები გაუქმდება.

აუქციონში მონაწილეობის მისაღებად რეგისტრატორს უნდა წარედგინოს შემდეგი დოკუმენტები: ა) დამტკიცებული ფორმის მიხედვით შევსებული განაცხადი (მიიღებთ გამგეობაში);

ბ), „ბე“-ს და მონაწილის ბილეთის ფასის შენატანის დამადასტურებელი საბან-

კო ქვითარი; გ) პირადობის მოწმობის ასლი;

დ) იურიდიული პირები დამატებით წარმოადგენენ ნოტარიალურად დამოწმებულ სადამფუძნებლო დოკუმენტის ასლს;

ე) ნოტარიალურად დამოწმებული მინდობილობა, თუ მყიდველი მოქმედებს სხვა პირის სახელით.

სააუქციონო კომისიის ზონარგაყრილ დავთარში განაცხადის რეგისტრაციის მომენტიდან განმცხადებელი იძენს აუქციონში მონაწილის სტატუსს. აუქციონში გამარჯვებულის გამოვლენის კრიტერიუმია საწყის გასაყიდ ფასზე ბიჯის დანამატის შედეგად მაქსიმალური ფასის გადახდა.

ქონების შესახებ დამატებითი ინფორმაციის მიღება შესაძლებელია სოხის მუნიციპალიტეტის გამგეობის ეკონომიკური განვითარებისა და ქონების მართვის სამსახურში.

საკონტაქტო პირი-**ლამ-ზირა თოდუა**. ტელ-599-85-60-91.

ნუგზარ (ნუტი) ლემონჯავა

სამი წელი, სხვისთვის არც თუ ისე დიდი, შენი ახლობლებისთვის კი გაუსაძლისი წელი, თვალსა და ხელს შუა გაფრინდა თითქოს. მიჭირს შენზე ფიქრი, მით უფრო წარსულ დროში. შენ ზომ ლალი, მხიარული, სიკეთითა და სიცოცხლით სავსე იყავი, მხოლოდ 17 წლის, ნორჩი ფეხბურთელი, ზრდილი და ნიჭიერი, შენი მწვრთნელების იმედი...

აგვისტოს ზვატი იდგა, მდინარე ტეხურმა ჩაგისუტა გულში, ვერ შეგელია, უკან დასაბრუნებელი ყველა გზა მოგეჭრა... იმ ერთმა დღემ შეცვალა შენი ბედნიერი ოჯახის ცხოვრება... უმძიმესი და შემზარავი იყო ის დღე ჩემთვის, მე ხომ შენი პირველი მასწავლებელი ვიყავი, იმ პატარა ბიჭის, რომელიც ასე ძალიან მიყვარდა. თვალწინ კინოკადრებით გაიელვა შენი ხანმოკლე ცხოვრების ყოველმა დეტალმა. როგორ ვიწამო და დავაჯერო თავი იმაში, რომ უფალს საუკეთესოები თავისთან მიჰყავს. ნუთუ ეს შევბაა შენი დედისთვის, რომელსაც თვალზე ცრემლი არ შემრობია...

ნუტი, შენთვის აგვისტო განსაკუთრებული თვე იყო, 29-ში დაბადების დღეს ზეიმობდი, წელს უკვე მესამედ მოვალთ ამ დღეს, კიდევ ერთხელ მოვეფერებით შენს ხატებას ჩე-



მო საყვარელო, ცხოვრების დინება არ წყდება, უღიმღამოდ მოვიდა შენს სახლშიც დიდი სიხარული, შენმა ერთადერთმა და მაიკომ ეროვნული გამოცდები წარმატებით ჩააბარა, შენი წილი ღარდი და მწუხარება უფალმა სიხარულად შეუცვალა. დიდი მისია დაეკისრა, შენს მშობლებს მან უნდა შეუფოსო შენით გამოწვეული სიცარიელე. ხომ გჯერა, რომ შეძლებს, მან ეს უშენოდ სამწლიანი ცხოვრებით დაამტკიცა. გჯეროდეს, არასოდეს ამოიშლები შენი ახლობლების და მეგობრების გულებიდან. უფრო მეტად გვიყვარხარ, გვენატრები და ვეფერებით შენს სახელს.

უფალმა ცათა სასუფეველი დაგიმკვიდროს ჩემო საყვარელო, ნუტი. მჯერა, შენ ხარ ის ანგელოზი, რომლის ყოლა უფალმა თავისთან ინება. **ნანა პაპაშვილი, ქვემო ქვალონის საბავშვო ბაღის მთავარი სპეციალისტი.**

მერაბ და გია კოდუები

ჩემო საფიცარო და უსაყვარლესო შვილებო! გაუსაძლისი გამიხდა თქვენთან განშორება. უთქვენოდ ტკივილიანი წლები მომისაჯა განგებამ. ან არადა სულ როგორ უნდა ვსულვდებულვდე შვილმკვდარი ბიჭების დედა. ეს უდიდესი, ენით გამოუთქმელი სატანჯველია, შვილებო.

თქვენს შემდეგ სიცოცხლე სულ არ მინდოდა, დედი. რისთვის და ვისთვის მეცოცხლა, მაგრამ ვარ ცოცხალი და უთქვენობა მტკიავს, რომელიც რაც დრო გადის, უფრო მძაფრდება და გაუსაძლისი ხდება.

და მაინც ვარ. ალბათ განგებამ იმიტომ დამტოვა, რომ მოვუარო ჩემთვის ძვირფას საგანძურს-თქვენს საფლავებს. აგინოთო წმინდა სანთლები თქვენი სულების საოხად და მოგეფეროთ, ვილოცო და ვიტანჯო უთქვენოდ.

გია 7 სექტემბერი შენი დაბადების დღეა, რა ბედნიერი ვიყავი, რომ თქვენ, ორივენი მოვევლინეთ ჩვენს ოჯახს... ჯერ იყო და მერაბმა დამტოვა და გულში უდიდე-



სი ძარღვი ჩამწყვიტა, შემდეგ კი შენ, დედი, ჩემო სიცოცხლეებო. დავდივარ, ვარსებობ, მაგრამ გჯეროდეთ, ყოველი ლუკმა თუ წვეთი წყალი ჩემთვის შხამია.

და მაინც ვარ ცრემლიანი, ტკივილიანი და დარდიანი.

გილოცავ შვილო დაბადების დღეს. ჩემთვის შენ და შენი მმა უდიდესი ბედნიერება იყავით და ხართ, თუმცა მიმატოვეთ და წახვედით...

ახლა 7 სექტემბრის მოსვლის მეშინია. ის ხომ შენი დღეა, შემდეგ 12 იანვარი-მერაბ, შენი დაბადების დღე მოვა. თქვენს სულებს ვენაცვალე, შვილებო.

იცოდეთ, რომ ძალიან, ძალიან მიყვარხართ. **დედა სვეტა კაკულია.**

„სოცნეობისადმი“ მიძღვნილი
საორგულო ღონისძიებების ქრონიკა

ლელობურთი

ლელობურთში შეჯიბრება გაიმართა 4 ზონად (შ/ხორგა, საჯიჯაო, ხობი, ხეთა). ზონებში გამარჯვებულები გადიოდნენ ნახევარფინალში. შუა ხორგის ზონიდან ნახევარფინალში თამაშის უფლება მოიპოვა პატარა ფოთის, ხეთის ზონიდან თორსის, საჯიჯაოს ზონიდან—ახალი ხიბულის, ხოლო ხობის ზონიდან ნოჯიხევის გუნდებმა.



12 აგვისტოს გაიმართა ნახევარფინალური და ფინალური მატჩები.

ნახევარფინალში პატარა ფოთის გუნდებმა დაამარცხა თორსის გუნდი და გავიდნენ ფინალში, მეორე ნახევარფინალში ახალი ხიბულის გუნდმა შეძლო ნოჯიხეველთა დამარცხება და ისინიც გავიდნენ ფინალში.

მესამე ადგილი დაიკავა თორსის გუნდმა, რომელსაც გადაეცა მესამე ადგილისთვის განკუთვნილი თასი და სიგელი. ფინალური მატჩში პატარა ფოთელებმა დაჯაბნეს ახალხიბულები და გახდნენ მუნიციპალიტეტის ჩემპიონები.

მეორე ადგილისთვის განკუთვნილი თასით და სიგელით დაჯილდოვდნენ ახ. ხიბულის ლელობურთელები.

მუნიციპალიტეტის ჩემპიონები—პატარა ფოთელები დაჯილდოვდნენ პირველი ადგილისთვის განკუთვნილი თასით და სიგელით.

12 აგვისტოს „ცოტნეობის“ დღესასწაულზე ასევე გაიმართა სამეგრელო-ზემო სვანეთის რეგიონის პირველობის ნახევარფინალური და ფინალური მატჩები ლელობურთში. პირველი

ნახევარფინალური შეხვედრის დაწყებამდე ხობელ ლელობურთელებს განათლების ცენტრის მოსწავლეებს სათამაში ფორმები და ბურთები გადასცეს. ბატონებმა გოდერძი ბუკიამ, ლევან შონიამ, სოზარ სუბარმა, გოჩა ქაჯაიამ, ედიშერ ჯობავამ. გენერალმა გიორგი სურმაკამ და სხვებმა.

ნახევარფინალში დაძაბულ ორთაბრძოლაში დაამარცხეს ზუგდიდის ლელობურთელთა გუნდი და გავიდნენ ფინალში, ხოლო მეორე ნახევარფინალში ფოთელებმა ადვილად შეძლეს სენაკელთა დამარცხება და ისინიც ფინალში გავიდნენ.

მესამე ადგილისთვის მატჩში ზუგდიდელებმა დაამარცხეს სენაკელთა გუნდი და მესამე ადგილისთვის განკუთვნილი თასითა და სიგელით დაჯილდოვდნენ.

ფინალში ფოთისა და ხობის ლელობურთელთა შეხვედრაში ფოთელებმა შეძლეს მასპინძელთა დამარცხება და გახდნენ რეგიონის ჩემპიონები.

ამრიგად მეორე ადგილისთვის განკუთვნილი თასით და სიგელით დაჯილდოვდნენ ხობელი ლელობურთელები.

რეგიონის ჩემპიონებს ფოთელ ლელობურთელებს გადაეცათ პირველი ადგილისთვის განკუთვნილი თასი და სიგელი.

სამეგრელო-ზემო სვანეთის რეგიონის რაგბის ფედერაციის პრეზიდენტმა ბატონმა დავით კილასონიამ სპეციალური-პრიზებით დააჯილდოვა შეჯიბრებაში მონაწილე ოთხივე გუნდი, ბატონმა დავით კილასონიამ მუნიციპალიტეტში რაგბისა და ლელოს განვითარების ხელშეწყობისთვის დააჯილდოვა რეგიონის ლელოს ფედერაციის ვიცე პრეზიდენტი ბატონი ედიშერ ჯობავა.

ბატონ სოზარ სუბარს მუნიციპალიტეტის საკრებულოს თავმჯდომარემ ედიშერ ჯობავამ გადასცა ცოტნეობის დღესასწაულისთვის განკუთვნილი სპეციალური საჩუქარი.

ჭადრაკი



და მეორე ადგილისთვის განკუთვნილი თასით და სიგელით.

მუნიციპალიტეტის ჩემპიონი გახდა ვეტერანი მოჭადრაკე ბადრი ლომაია, რომელმაც ღირსეულად გაიმარჯვა. მას გადაეცა პირველი ადგილისთვის განკუთვნილი თასი და სიგელი.

ტურნირზე დაწესებული იყო პრიზები—საუკეთესო უხუცესი მონაწილის პრიზით დაჯილდოვდა ბადრი ლომაია, ხოლო ყველაზე ახალგაზრდა მონაწილის პრიზი გიორგი ლატარიას ერგო.

ლევან ლომოვჯაფა

„ცოტნეობის“ დღესასწაულთან დაკავშირებით 10-12 აგვისტოს ჩატარდა ხობის მუნიციპალიტეტის აბსოლუტური პირველობა ჭადრაკში. შეჯიბრებაში მონაწილეობდნენ, როგორც გამოცდილი, ისე ახალგაზრდა მოჭადრაკეები. 3 დღიანმა ორთაბრძოლებმა გამარჯვებულები გამოავლინა.

მესამე ადგილი დაიკავა რომანოზ ჯგერენაიამ, რომელიც დაჯილდოვდა მესამე ადგილისთვის განკუთვნილი თასით და სიგელით.

მეორე ადგილზე გავიდა გიორგი ლატარია, რომელიც ასევე დაჯილდოვ-